



27. oktober 2010

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut: Qanoq Naalackersuisut nassuiarsinnaavaat 10. juni 2009 naalackersuisooqatigiinnissamik isumaqatigiisummi saqqummiunneqartumi ineqarnermut politikkip aammalu Namminersorlutik Oqartussat inissianik allanillu sanaartornermi suliassat ataatsimoortillugit neqeroorusiortintsisarnerarata imminnut assortuunnerat?

Naalackersuisut qanoq suliniuteqalersaarpat sanaartornerup iluani nunaqavissut suliassaarukkiartornerat akiorniarlugu?

Naalackersuisut suliarinnittussarsiornerit 10. juni 2009 isumaqatigiisummut naleqqussalersaarpaat?

(Inatsiartunut Ilaasortaq Aleqa Hammond, Siumut)

Tungavilersuut:

Naalackersuisut suleqatigiinnissaannut isumaqatigiisummi ilaatigut ima allassimavoq "Ineqarnek pillugu politikikkut qularnaarneqassaaq innuttaasut ineqarnissamut periarfissaqarnissaat, angerlarsimaffik tassaamat toqqissisimanisamut tungaviumik aallaavisoq....Taamatuttaaq innuttaasunut tamanut inissialorneq annertusaavigneqassaaq, nunaqavissut suliffeqarfii atorlugit inissiat amerlanerusut sananeqartariaqarlutik, taakkulu ammasumik sulianut assigiinngitsunut immikkoortiterineq (fagentrepriser) tungavigalugu suliariumannittussarsiuunneqartassallutik. Aningaasanut Inatsimmi sanaartornermut sanaartugassanullu aningaasaateqarfimmi ukiunut tulliuuttunut aningaasaliissutit peerneqassangillat annikillisarneqaratillu"

20. oktober 2010 tusagasiuutitigut nalunaarummi Nuummi suliffeqarfiit 18-t sanaartornermik suliaqartut suaarutigaaq suliassaarukkaluttuinnarlutik, aammalu suliffeqarfiit akiliisinnaajunnaarlutik matuinnartariaqalissasut Namminersorlutik Oqartussat suliassaatic ataatsimoortillugit (totalentrepriser) suliarinnittussarsiuuttuassapatigut.

Imaassinnaavoq inissiat sanaartugassat sukkanerusumik ataatsimoortillugit (totalentreprise-tut) suliarinnittussarsiuukkaanni sukkanerusumik naammassisinnaasut . Aammali imaassinnaavoq sanaartugassat fag-ikkaarlugit suliarinnittussarsiuunneqarunik akikinnerusut.

Qularutissaanngitsumilli sanaartugassat fag-ikkaarlugit suliarinnittussarsiuunneqartaleraluarpata taamatullu suliffeqarfiit nunatsinni najugaqartut periarfissarissaarnerulersillugit inuiaqatigiinnut pissarsiaqaataanerungaassagaluartoq.

Inuiaqatigiit nalignnaasumik aningaasatigut ingerlanerannut suliffeqarfiit mikisut, piginnittaat sulisuilu, aammalu ilinniartunik praktikkertuuteqartarnerat ilaalluinnarput. Nunamut kommuninullu akileraaruteqartarput. Nunanilli allanit suliffeqarfissuit inuiaqatigiit ingerlanneqarnerannut sunniutaat annikinnerujussuuvoq. Atortutik sulisutillu nassarlugit takkuttarput, suliassatillu naammassisinnarlugit nunarput qimaqqittarpaat.

Taamaattumik Siumup qularutiginngilluinnarpaa fag-ikkaarlugit suliarinnittussarsiuussineq ataatsimoortillugit suliarinnittussarsiuussinerminngarnit pitsaanerungaartoq. Siumup uagut nammineq nunatsinni suliffeqarfiutigut, piginnittut sulisullu tapersersorumavai.

Ullut sulliviusut qulit qaangiutsinnagit akineqarnissara kissaatigaara.

Aleqa Hammond
Siumut